



თიბისი დაზღვევა

T B C I N S U R A N C E

ქონების დაზღვევის
პრობები
#PRO 005/18

ქონების დაზღვევის პირობები # PRO 005/18

სექცია I: მატერიალური ზიანი

განმარტაბები

მზღვეველი

სს "თიბისი დაზღვევა"

დამზღვევი

იურიდიული ან ფიზიკური პირი, რომელიც წინამდებარე პირობების საფუძველზე აფორმებს დაზღვევის ხელშეკრულებას მზღვეველთან და პასუხისმგებელია სადაზღვევო პრემიის გადახდაზე.

მოსარგებლე

დამზღვევის მიერ სადაზღვევო პოლისში დასახელებული ერთი ან რამდენიმე პირი, რომელიც უფლებამოსილია სადაზღვევო შემთხვევის დადგომისას, მიიღოს სადაზღვევო ანაზღაურება.

თუ სადაზღვევო პოლისში მოსარგებლე მითითებული არ არის, მაშინ სადაზღვევო ანაზღაურების მიღების უფლება აქვს დამზღვევს.

თუ სადაზღვევო პოლისში მოსარგებლედ რამდენიმე პირია მითითებული, დამზღვევმა უნდა მიუთითოს თითოეულის მიერ მისაღები სადაზღვევო ანაზღაურების წილი გასაცემ სადაზღვევო ანაზღაურებაში.

სადაზღვევო თანხა/ანაზღაურების ლიმიტი

სადაზღვევო პოლისში მითითებული თანხის მაქსიმალური ოდენობა რომლის ფარგლებშიც მზღვეველი ვალდებულია სადაზღვევო პერიოდის განმავლობაში დამდგარი სადაზღვევო შემთხვევისას, გასცეს სადაზღვევო ანაზღაურება მოსარგებლებზე. შესაძლოა პოლისში დამატებით განისაზღვროს კონკრეტული ლიმიტი სხვადასხვა ტიპის ქონებისათვის ქველიმიტის სახით.

დაზღვეული რისკი

მოვლენა, რომელიც შეიცავს მისი დადგომის შესაძლებლობის ან შემთხვევითობის ნიშნებს და რომლის გამოც ხდება დაზღვევა.

სადაზღვევო პრემია

დაზღვევის საფასური, რომელიც დამზღვევმა უნდა გადაუხადოს მზღვეველს სადაზღვევო პოლისით განსაზღვრული წესითა და ოდენობით.

სადაზღვევო ტარიფი

სადაზღვევო პრემიის განაკვეთი სადაზღვევო თანხასთან მიმართებით.

სადაზღვევო შემთხვევა

დაზღვევის ხელშეკრულებით გათვალისწინებული რისკის შედეგად დამდგარი მოვლენა, რომლის შედეგად მზღვეველს წარმოეშევა სადაზღვევო ანაზღაურების გაცემის ვალდებულება.

დაზღვევის პერიოდი

სადაზღვევო პოლისით განსაზღვრული დაზღვევის მოქმედების ვადა.

ფრანშიზა

დაზღვევის პოლისში მითითებული თანხა, რომლის ფარგლებშიც მზღვეველი თავისუფალია სადაზღვევო ანაზღაურების გაცემის ვალდებულებისგან და რომელიც აკლდება ასანაზღაურებელ თანხას თითოეულ და ყველა შემთხვევაზე.

ნარჩენი ღირებულება

სადაზღვევო შემთხვევის დადგომის შემდეგ დარჩენილი ქონების ღირებულება;

დაზღვევის ტერიტორია

სადაზღვევო პოლისში მითითებული მისამართი, რომლის ფარგლებშიც მოქმედებს წინამდებარე ხელშეკრულებით განსაზღვრული დაფარვა.

სადაზღვევო პოლისი

მზღვეველის მიერ გაცემული დოკუმენტი, რომელიც ადასტურებს დაზღვევის არსებობას და ასახავს დაზღვევის ხელშეკრულების ძირითად პირობებს. პოლისში დაფიქსირებულ მონაცემებსა და წინამდებარე პირობებს შორის წინააღმდეგობის შემთხვევაში, უპირატესობა ენიჭება პოლისს.

დაზღვევის ხელშეკრულება

ხელშეკრულება მზღვეველსა და დამზღვევს შორის, რომელიც შედგება წინამდებარე პირობების, შესაბამისი განაცხადის, მის საფუძველზე გაცემული პოლის(ებ)ისა და მათი დანართებისგან.

კონსტრუქციული ელემენტები

შენობის ფუნდამენტი, გადახურვა, კედლები, რემონტის (მოპირკეთება) გარეშე;

რემონტი (მოპირკეთება)

კედლების შპალიერი და/ან სხვა ტიპის საფარი, იატაკი, ფანჯრები, კარები, მინები მათი საკეტები, ელექტრო და/ან წყალგაყვანილობა (მათ შორის საკანალიზაციო);

1. პრეამბულა

1.1. წინამდებარე პირობები წარმოადგენს სადაზღვევო ხელშეკრულების ნაწილს, რომლის საგანია მზღვეველის მიერ დამზღვევის კანონიერ საკუთრებაში ან სარგებლობაში არსებული ქონების დაზღვევა. მზღვეველი სადაზღვევო მომსახურებას ახორციელებს საქართველოს კანონმდებლობის საფუძველზე შემუშავებული წინამდებარე პირობების შესაბამისად;

1.2. მზღვეველი წინამდებარე პირობების საფუძველზე გასცემს კონკრეტულ დაზღვევის პოლისის.

1.3. მოცემული პირობების საფუძველზე გაფორმებული დაზღვევის ხელშეკრულების თანახმად, მზღვეველი ვალდებულია ხელშეკრულებით განსაზღვრული სადაზღვევო პრემიის სანაცვლოდ ხელშეკრულებით გათვალისწინებული რისკების შედეგად სადაზღვევო შემთხვევის დადგომისას აუნაზღაუროს დამზღვევს, ან მის მიერ დასახელებულ მოსარგებლეს, ზარალი, რომლიც მიადგა დაზღვეულ ქონებას (გასცეს სადაზღვევო ანაზღაურება), დაზღვევის ხელშეკრულებით დადგენილი სადაზღვევო თანხის ფარგლებში.

1.4. დაზღვევის ხელშეკრულების გასაფორმებლად დამზღვევი წარუდგენს მზღვეველს ხელმოწერილ განაცხადს მზღვეველის მიერ დადგენილი ფორმით მიხედვით. განაცხადში დამზღვევი ვალდებულია მიუთითოს ზუსტი და სრული მონაცემები დაზღვევის ობიექტის შესახებ.

1.5. განაცხადში გათვალისწინებული მონაცემების გარდა, დამზღვევი ვალდებულია გადასცეს მზღვეველს ნებისმიერი სხვა, მზღვეველის მიერ მოთხოვნილი ინფორმაცია, რომელსაც არსებითი მნიშვნელობა შეიძლება ჰქონდეს რისკის ხარისხის შეფასებისა და შესაძლო ზარალის მოცულობის განსაზღვრისთვის.

1.6. წინამდებარე პირობების საფუძველზე განხორციელებული დაზღვევა მოქმედებს მხოლოდ იმ ტერიტორიულ ფარგლებში, რომელიც მითითებულია შესაბამის სადაზღვევო პოლისში (დაზღვევის ტერიტორია). დაზღვეული ქონების სხვა ტერიტორიაზე გადაადგილების დროს დაზღვევის ხელშეკრულება მოცემულ ქონებასთან მიმართებაში წყდება, თუ დაზღვევის ხელშეკრულებით სხვა რამ არ არის გათვალისწინებული.

1.7. დაზღვევის ხელშეკრულება ძალაში შედის პოლისში მითითებული სადაზღვევო პერიოდის დასაწყისი თარიღის (დღის) 24 საათზე და მოქმედებს მასში მითითებული ვადის ბოლო თარიღის (დღის) 24 საათამდე.

1.8. ხელშეკრულების ყველა ცვლილება და დამატება ფორმდება დანართის სახით, რომელიც წარმოადგენს ხელშეკრულების განუყოფელ ნაწილს.

2. დაზღვევის ობიექტი

2.1. დაზღვევის ობიექტს წარმოადგენს დამზღვევის (მოსარგებლის) ქონებრივი ინტერესები, რომელიც დაკავშირებულია დაზღვევის საგნის (ქონების) დაკარგვის, განადგურების ან დაზიანების რისკთან;

2.2. წინამდებარე პირობების საფუძველზე გაფორმებული დაზღვევის ხელშეკრულების თანახმად, დაზღვევას ექვემდებარება შემდეგი სახის ქონება:

2.2.1. უძრავი ქონება: შენობა ნაგებობის კონსტრუქციული ელემენტები და/ან შიდა მოპირკეთება (რემონტი);

2.2.2. მოძრავი ქონება: მანქანა-დანადგარები, კომპიუტერული ტექნიკა, ელექტრონული მოწყობილობები, სასაქონლო-მატერიალური მარაგები, ავეჯი;

2.3. თუ სადაზღვევო პოლისით სხვა რამ არ არის გათვალისწინებული, დაზღვევა არ ვრცელდება შემდეგი სახის ქონებაზე:

2.3.1. ნაღდი ფული ეროვნულ ან უცხოურ ვალუტაში;

2.3.2. აქციები, ობლიგაციები და სხვა ფასიანი ქაღალდები;

2.3.3. ხელნაწერები, ფოტოსურათები, ნეგატივები, გეგმები, სქემები, ნახაზები და სხვა დოკუმენტები, საბუღალტრო და საქმიანი წიგნები და იქ განთავსებული ინფორმაცია;

2.3.4. მოდელები, მაკეტები, ნიმუშები, ფორმები და ა.შ.;

2.3.5. ძვირფასი და იშვიათი ლითონები, მავთულების, ზოდების, ქვიშის, თვითნაბადი ფორმით, ასევე ძვირფასი თვლები, საიუველირო ნაკეთობები, ბეწვეული;

2.3.6. ქონება გამოფენაზე ექსპონირების დროს;

2.3.7. ინფორმაციის ტექნიკური მატარებლები, კერძოდ მაგნიტური ფირები და კასეტები, მაგნიტური დისკები და მეხსიერების ბლოკები და ა.შ., და მათზე განთავსებული ინფორმაცია;

2.3.8. მარკების, მონეტების, ფულადი ნიშნების, ბონების და სხვა მსგავსი ტიპის საკოლექციო ერთეულები, ასევე ნახატები, სურათები, ქანდაკებები და ხელოვნების სხვა ნიმუშები;

2.3.9. მომწავლავი, კაუსტიკური და ასაფეთქებელი ნივთიერებები;

2.3.10. იარაღი, საბრძოლო მასალა;

2.3.11. დაუსრულებელი მშენებლობის ობიექტები;

- 2.3.12. ცხოველები, მცენარეები, მარცვლეული კულტურა;
- 2.3.13. შენობებისა და ნაგებობების გარე კედლებზე დამაგრებული ობიექტები: ანძები, ანტენები, ღია ელექტროსადენები, სარეკლამო დანადგარები, ბილბორდები, ვიტრინების ფარდულები და ა.შ;
- 2.3.14. სწრაფი გადახდის აპარატები (ავტომატები), რომლებიც იღებენ გადახდას მონეტების ან ჟეტონების სახით, ბანკომატები;
- 2.3.15. შესანახად გადაცემული ან შემოწმების პროცესში მყოფი საქონელი;
- 2.3.16. მიწისქვეშა კომუნიკაციები;
- 2.3.17. კავშირგაბმულობისა და ელექტროგადაცემის ხაზები;
- 2.3.18. რემონტის, ან მშენებლობის პროცესში მყოფი ან 30 დღეზე მეტი ვადით მიტოვებული ქონება;
- 2.3.19. ქონება ნებისმიერი სატრანსპორტო საშუალებით გადაზიდვისას;
- 2.3.20. პროფესიული საინკასაციო სატრანსპორტო საშუალებები და შესაბამისი აღჭურვილობა;
- 2.3.21. ქონება, რომელიც იმყოფება დაზღვევის ტერიტორიაზე, მაგრამ არ წარმოადგენს დამზღვევის საკუთრებას;
- 2.3.22. ქონება, რომელიც ინახება ღია ცის ქვეშ;
- 2.3.23. მიწის ნაკვეთები, ხიდები, გადასასვლელები, გზები, ასფალტირებული მონაკვეთები.
- 2.3.24. ყველა სახის ენერგო და ნავთობქიმიური რისკის მატარებელი ნაგებობა და დანადგარი, მათ შორის ნავთობის/საწვავის საბურღი დანადგარები, მილსადენები, ენერგოგადამამუშავებელი და გამწმენდი ქარხანები, ჭაბურღილები;
- 2.3.25. ამორტიზებული, ავარიული შენობა ნაგებობები და მათში განთავსებული ქონება
- 2.3.26. საქონელი რომელსაც გასული აქვს ვარგისიანობის ან/და რეალიზაციის ვადა
- 2.3.27. ტექნიკა, რომელიც არ ყოფილა გატესტილი/გამოცდილი მწარმოებლის მიერ და არ არის სანქცირებული ექსპლუატაციაში ჩასაშვებად.
- 2.3.28. ფეთქებადსაშიში ნივთიერებები, პიროტექნიკა (სასაქონლე მარაგების სახით);
- 2.3.29. ნავთობ ტერმინალები, ა.გ.ს.ები;
- 2.3.30. შენობები აშენებული 1950 წლამდე;
- 2.3.31. ნახევარ სარდაფი და სარდაფები, მიწის დონის ქვემოთ განთავსებული ობიექტები;

2.3.32. ბაზრობაზე და/ან მის მიმდებარე ტერიტორიაზე განთავსებული ქონებები, მათ შორის სავაჭრო ცენტრების ტერიტორიაზე;

2.3.33. ბუნგალოები, ხის ნაგებობები;

3. სადაზღვევო რისკები

3.1 პოლისში მითითებული ქონება დაზღვეულია ქვემოთ ჩამოთვლილი მხოლოდ იმ რისკების ჯგუფ(ებ)ისაგან, რომლებიც მითითებულია კონკრეტულ დაზღვევის პოლისში, როგორც დაზღვეული ჯგუფი:

ჯგუფი A

3.1.1. ხანძარი - წინამდებარე პირობების მიზნებისთვის, ნიშნავს ცეცხლის წარმოქმნას, რომელიც ვრცელდება დამოუკიდებლად, იმ ადგილების გარეთ, რომლებიც განკუთვნილია ამ ცეცხლის გასაჩაღებლად და შესანარჩუნებლად. ცეცხლით დაზიანება/აფეთქება, რომელიც არ არის გამოწვეული ხანძრის შედეგად, არ ექვემდებარება ანაზღაურებას.

ანაზღაურებას ექვემდებარება ზარალი, რომელიც წარმოიქმნება დაზღვეული ქონების გადასარჩენად, ხანძრის ჩასაქრობად ან მისი გავრცელების თავიდან ასაცილებლად მიღებული გონივრული ზომების შედეგად.

3.1.2. მეხის დაცემა - წინამდებარე პირობების მიზნებისთვის, მეხის დაცემა ნიშნავს ელექტრულ ნაპერწკლოვან განმუხტვას, რა დროსაც დენი გადის დაზღვეულ ქონებაში და იწვევს მის დაზიანებას ან ხანძარს.

მეხის დაცემის შედეგად ელექტრონული მოწყობილობის ან დანადგარების დაზიანება ხანძრის წარმოქმნის გარეშე ანაზღაურებას არ ექვემდებარება.

3.1.3 აფეთქება

3.1.4 საფრენი აპარატების ან მათი ნაწილების დაცემა დაზღვეულ ქონებაზე.

ჯგუფი B

3.1.3. სტიქიური მოვლენები, კერძოდ: მიწისძვრა, ქარიშხალი, სეტყვა, მეწყერი, ზვავი, ნიადაგის აწევა ან დაწევა (მაგრამ არა ხელოვნურად გამოწვეული), უხვთოვლიანობა და თოვლის სიმძიმით გამოწვეული ზიანი;

წყალდიდობა - დაზღვეულ შენობაში წყლის გარედან შეღწევა იმ მიწის ზედაპირის დატბორვის შედეგად, რომელიც ჩვეულებრივ არ არის დაფარული წყლით, გარდა იმ შემთხვევისა, როდესაც დაზღვეული ქონებისთვის მიყენებული ზიანი გამოწვეულია სადრენაჟო სისტემების არასწორი მართვით, საზოგადოების წყლის მიღების გასკდომით, ან შენობის საძირკველში არსებული სადრენაჟო და საკანალიზაციო მილების მწყობრიდან გამოსვლით.

ჯგუფი C

3.1.5 ქურდობა შეღწევით - დაზღვეულ ტერიტორიაზე მართლსაწინააღმდეგო შეღწევით დაზღვეული ქონების ფარული დაუფლება ან მისი მცდელობა მართლსაწინააღმდეგო მისაკუთრების მიზნით;

3.1.6 ძარცვა; ყაჩაღობა; ვანდალიზმი - საქართველოს სისხლის სამართლის კოდექსით ასეთად გათვალისწინებული ქმედებები.

3.1.8 სატრანსპორტო საშუალებების შეჭახება, როდესაც სატრანსპორტო საშუალება არ წარმოადგენს თავად დამზღვევის ან მოსარგებლის საკუთრებას.

ჯგუფი D

3.1.9 წყალგაყვანილობის, გათბობის, საკანალიზაციო ან ავტომატური ხანძარსაქრობი მილსადენების მწყობრიდან გამოსვლა, დაზღვევა ასევე ფარავს წინამდებარე რისკისგან გამოწვეულ დაზღვეული ქონების დატბორვას, მაგრამ არა ისეთ ზიანს, რომელიც დადგა ზემოხსენებული მილსადენების შეკეთების, გაუქმების ან ჩანაცვლების სამუშაოების ჩატარების დროს;

3.1.10 მინების, ვიტრაჟების მსხვრევა, რომლებიც გამოწვეული დაზღვეული რისკებით.

4. საერთო გამონაკლისები

4.1. წინამდებარე დაზღვევით არ იფარება ქონების დანაკარგი, განადგურება ან დაზიანება, რომელიც გამომდინარეობს, დაკავშირებულია, ან გამოწვეულია ქვემოთ ჩამოთვლილი მიზეზებისგან:

4.1.1. ბირთვული ენერჯის გამოყენება ნებისმიერი ფორმით და ამ გამოყენების შედეგები, რადიაციის, რადიოაქტიური დაბინძურების, მაიონიზებული გამოსხივების, რადიოაქტიური, ტოქსიკური, ფეთქებადსაშიში ან სხვა მავნე ნივთიერებების, ასევე ისეთი ნივთიერებების ზემოქმედება, რომელიც შეიცავს რომელიმე ფეთქებად ბირთვულ ნაწილაკებს.

4.1.2. ქიმიური, ბიოლოგიური ან ელექტრომაგნიტური იარაღის გამოყენება;

4.1.3. ომი (გამოცხადებული და გამოუცხადებელი), შემოჭრა, ნებისმიერი სახის საომარი ქმედებები და მათი შედეგები, სამოქალაქო ომი, ამბოხება, სამოქალაქო მღელვარება, შეიარაღებული აჯანყება, რევოლუცია, ამბოხი, ნებისმიერი აღიარებული ან არაღიარებული ხელისუფლების შეიარაღებული ძალების თავდასხმა; სამხედრო ღონისძიებები; რევოლუცია, ამბოხი, ტერორისტების (მათთან დაკავშირებული პირების) ქმედებებით; ასევე მათ ჩახშობაზე მიმართული ხელისუფლების ქმედებები, სახელმწიფო ხელისუფლების მიერ გამოცხადებული განსაკუთრებული, საგანგებო, სამხედრო მდგომარეობა, გაფიცვები და ლოკაუტი;

4.1.4. ქონების კონფისკაცია, რეკვიზიცია, ექსპოპრიაცია, ნაციონალიზაცია, დაყადაღება, სამხედრო ან სამოქალაქო ხელისუფლების განკარგულებით/ბრძანებით დაზღვეული ქონების განადგურება, ჩამორთმევა ან დაზიანება;

4.1.5. სახელმწიფო ორგანოების ისეთი ბრძანებები რომლებმაც გამოიწვიეს დაზღვეული ქონების დაზიანება ან განადგურება;

4.1.6. დამზღვევის (მოსარგებლის) ან მისი უფლებამოსილი წარმომადგენლის მიერ ჩადენილი განზრახი ქმედება, ან უხეში გაუფრთხილებლობა, მათ შორის კანონით ან სხვა ნორმატიული აქტებით დადგენილი სახანძრო ან სხვა ტიპის უსაფრთხოების ზომების დარღვევა, გარდა იმ შემთხვევებისა, როცა შესაბამისი ნორმებიდან გადახრა შეთანხმებულია სპეციალურ სახელმწიფო სტრუქტურებთან;

4.1.7. დაზღვეული ქონების ბუნებრივი ცვეთა, ან მისი თვისებების თანდათანობითი დაკარგვა; ქონების ფერის, სუნის, სტრუქტურის ან ფორმის ცვლილება მისი ბუნებრივი თვისებების შედეგად;

4.1.8. კოროზია, ჟანგვა, დუღილი, ბაქტერიები ან სოკოთ, ლპობა, ცვეთა, ეროზია, მაღალი და ცვალებადი ტემპერატურა, ფერმენტაცია ან სხვა ბუნებრივი პროცესები (თვისებები);

4.1.9. ჩრჩილი, მწერები, მღრღნელები და სხვა მავნებლების მიერ მიყენებული დაზიანებები.

4.1.10. წყალმომარაგების, გათბობის და სხვა მსგავსი სისტემების გადახურება და გადატვირთვა;

4.1.11. დაზღვეული შენობა-ნაგებობების დეფექტები და ნაკლოვანებები, რომლებიც არსებობდა დაზღვევის ხელშეკრულების გაფორმების მომენტისთვის და რომელიც ცნობილი უნდა ყოფილიყო დამზღვევისთვის ან მისი უფლებამოსილი პირებისთვის; წარმოების დეფექტები, უხარისხო მასალები, პროექტირების, დაგეგმარების და დიზაინის შეცდომები;

4.1.12. დაზღვეულ ობიექტში ან ნაგებობაში თოვლის, სეტყვის ან წყლის შეღწევა ღია ფანჯრებიდან ან კარებიდან, ასევე სხვა ნაპრალებიდან, რომელიც გაკეთებულია მიზანმიმართულად, ან წარმოქმნილია დაზღვეული ობიექტის სიძველით ან სამშენებლო დეფექტით;

4.1.13. შესაბამის სადაზღვევო პოლისში აღნიშნულის გარდა სხვა რისკები.

4.2 წინამდებარე პირობებით ანაზრაურებას არ ექვემდებარება ასევე:

4.2.1 ჯარიმები, საურავები და სხვა ფულადი ფორმის სანქციები;

4.2.2. გადამცემი და გამანაწილებელი ხაზები;

4.2.3. გზის საფარების ან ტროტუარების, ასევე ფუნდამენტების, კედლების, მზიდი კონსტრუქციების ან გადახურვების, საინჟინრო ნაგებობების დაწევა, დასკდომა, შეკუმშვა, გაფართოება ან ამობურცვა;

4.2.4. დაზღვეული ქონების დაზიანება სამშენებლო-სამონტაჟო სამუშაოების წარმოების მსვლელობისას, ასევე დაზღვეული შენობების რეკონსტრუქციის ან გადაიარაღების დროს;

4.2.5. ნებისმიერი სახის მოწყობილობის ან დანადგარის ელექტროობის დაზიანება, თუ ეს უშუალოდ ან არაპირდაპირ გამოწვეულია მოკლე ჩართვით, თუმცა დაფარვას ექვემდებარება ასეთი მოკლე ჩართვის შედეგად გამოწვეული ხანძრის მიერ დაზღვეული მიყენებული ზიანი.

4.2.6. დაზღვეული ქონების აუხსნელი გაუჩინარება, მისი დანაკლისი, რომელიც გამოვლინდება ინვენტარიზაციის დროს, დაზღვეული ქონების დაკარგვა, ქურდობა შეღწევის გარეშე, გატაცება ან დამალვა;

4.2.7. მანქანა-დანადგარებისა და ელექტრონული მოწყობილობის მწყობრიდან გამოსვლა, მათ შორის ელექტროენერჯის ცვალებადობის, ელექტრომაგნიტური იმპულსის შედეგად;

5. სადაზღვევო თანხა

5.1. დაზღვევის პოლისში მითითებული კონკრეტული ქონებისთვის განსაზღვრული სადაზღვევო თანხა არ შეიძლება აღემატებოდეს მის რეალურ ღირებულებას დაზღვევის ხელშეკრულების დადების მომენტისთვის;

5.2. ქონების რეალური ღირებულება სადაზღვევო შემთხვევის დადგომის მომენტისთვის განისაზღვრება შემდეგნაირად:

5.2.1. შენობა-ნაგებობების კონსტრუქციული ელემენტები და რემონტი (მოპირკეთებისთვის) - განადგურებული ობიექტის საპროექტო მახასიათებლებისა და სამშენებლო მასალების ხარისხის თვალსაზრისით ანალოგიური ობიექტის მოცემულ ადგილზე მშენებლობის/რემონტის ღირებულება, ცვეთისა და ექსპლუატაციურ-ტექნიკური მდგომარეობის გათვალისწინებით.

5.2.2. მანქანა-დანადგარების, ავეჯი, კომპიუტერული ტექნიკისა და ელექტრონული მოწყობილობებისთვის ; - თანხა, რომელიც საჭიროა განადგურებულის ანალოგიური ობიექტის შესაძენად, ცვეთის გამოკლებით, ტრანსპორტირების, მონტაჟის, საბაჟო გადასახადისა და სხვა მოსაკრებლების ჩათვლით;

5.2.3. დამზღვევის სასაქონლო-მატერიალური მარაგებისთვის (როგორც მზა, ასევე დაუსრულებელისთვის) - თანხა, რაც აუცილებელია მათი ხელმეორედ წარმოებისთვის/შესაძენად, ტრანსპორტირების, საბაჟო გადასახადისა და სხვა მოსაკრებლების ჩათვლით;

5.3. თუ სადაზღვევო თანხის გაზრდა დაზღვევის ხელშეკრულებაში წარმოადგენს დამზღვევის მხრიდან განზრახ არასწორი ინფორმაციის მოწოდების შედეგს, მზღვეველი უფლებამოსილია მოითხოვოს ხელშეკრულების შეწყვეტა და მზღვეველისადმი მიყენებული ზარალის ანაზღაურება.

5.4. მზღვეველის მიერ ყოველი სადაზღვევო ანაზღაურების გაცემის შემდეგ სადაზღვევო თანხა შემცირდება გაცემული ანაზღაურების ოდენობით, თუ ხელშეკრულებით სხვაგვარად არ არის დადგენილი. მზღვეველის სადაზღვევო ანაზღაურების გაცემის შემდგომ დამზღვევს უფლება აქვს მზღვეველთან წინასწარ შეთანხმების საფუძველზე დამატებითი სადაზღვევო პრემიის გადახდის სანაცვლოდ მოითხოვოს დაზღვევის ხელშეკრულებით თავდაპირველად განსაზღვრული სადაზღვევო თანხის აღდგენა.

5.5. თუ დაზღვევის ხელშეკრულებით დადგენილი სადაზღვევო თანხა აღმოჩნდება დაზღვეული საგნის რეალურ ღირებულებაზე ნაკლები, სადაზღვევო შემთხვევის დადგომის მომენტისთვის, ზარალი ანაზღაურდება იმ პროპორციით, რა პროპორციასაც შეადგენს სადაზღვევო თანხა დაზღვევის საგნის რეალურ ღირებულებასთან. ეს პროპორცია დგინდება დაზღვევის ხელშეკრულებაში (პოლისში) მითითებული თითოეული საგნისთვის ცალ-ცალკე ან მათი ერთობლიობისთვის.

6. სადაზღვევო პრემია

6.1. სადაზღვევო პრემიის ოდენობა გამოითვლება სადაზღვევო თანხების, სატარიფო განაკვეთის, დაზღვევის პერიოდის, ფრანშიზის და დაზღვეული ქონების სპეციფიკიდან გამომდინარე.

6.2. სადაზღვევო პრემიის ჯამური ოდენობა მიეთითება სადაზღვევო პოლისში.

6.3. სადაზღვევო პრემია დამზღვევმა უნდა გადაიხადოს დაზღვევის პოლისში მითითებული წესებისა და ვადების დაცვით.

6.4. შესაბამისი სადაზღვევო პოლისით გათვალისწინებული პირველი ან ერთჯერადი სადაზღვევო პრემიის დამზღვევის მიერ გადახდამდე, მზღვეველი თავისუფალია ნაკისრი მოვალეობის შესრულებისაგან. სადაზღვევო პრემიის პოლისით დადგენილ ვადებში გადაუხდელობის შემთხვევაში, სადაზღვევო პრემიის გადახდის გრაფიკის დარღვევის შემთხვევაში, მზღვეველს შეუძლია დამზღვევს განუსაზღვროს დამატებითი ორკვირიანი ვადა გადახდის შესასრულებლად და ამასთან მიუთითოს იმ შედეგებზე, რომელიც მოყვება ვადის გასვლას. ხოლო ვადის გადაცილებიდან 30 დღის შემდეგ მზღვეველს უფლება აქვს, ცალმხრივად შეწყვიტოს სადაზღვევო ხელშეკრულება.

6.5. თუ დაზღვევა შეწყდება სადაზღვევო პერიოდის დასრულებამდე, მზღვეველი უფლებამოსილია მოითხოვოს დამზღვევისგან პრემიის გადახდა დაზღვევის ძალაში ყოფნის პერიოდის პროპორციულად.

7. მხარეთა უფლებები და ვალდებულებები

7.1 დამზღვევი ვალდებულია:

7.1.1 უზრუნველყოს მზღვეველი სადაზღვევო ხელშეკრულების დასადავად აუცილებელი სრული და ზუსტი ინფორმაციით;

7.1.2 დროულად და სრულად გადაიხადოს სადაზღვევო პრემია პოლისში მითითებული წესითა და ოდენობით;

7.1.3. გამართულ მდგომარეობაში შეინარჩუნოთ ის შენობა, რომელშიც განლაგებულია დაზღვეული ქონება, დაიცვას უსაფრთხოების აუცილებელი ზომები, მათ შორის გამართულ მდგომარეობაში შეინარჩუნოს ხანძარსაწინააღმდეგო სისტემა;

7.1.4 მიიღოს ობიექტურად შესაძლო ყველა ზომა დაზღვეული ქონების გადასარჩენად და ზიანის მოცულობის მაქსიმალურად შესამცირებლად; მზღვეველი თავისუფლდება სადაზღვევო ანაზღაურების გაცემის ვალდებულებისგან, თუ დამზღვევი განზრახ არ მიიღებს შესაძლო გონივრულ ზომებს ზარალის შესამცირებლად.

7.1.5. სადაზღვევო შემთხვევის დადგომისთანავე დაუყოვნებლივ, შეატყობინოს შესაბამის სამართალდამცავ ორგანოებსა და მზღვეველს, პოლისში მითითებულ ნომერზე. ასევე, მიაწოდოს მზღვეველს წერილობითი პრეტენზია სადაზღვევო შემთხვევის დადგომიდან არაუგვიანეს 3 (სამი) სამუშაო დღისა;

7.1.6. მზღვეველის წარმომადგენლის მისვლამდე უზრუნველყოს სადაზღვევო შემთხვევის ადგილზე ქონების არსებული მდგომარეობის შენარჩუნება ობიექტური შესაძლებლობის ფარგლებში, გარდა იმ შემთხვევისა, როდესაც აღნიშნულის საწინააღმდეგო მითითება გაიცემა მზღვეველის მიერ;

7.1.7. შეატყობინოს მზღვეველს ყველა იმ გარემოების თაობაზე, რომელმაც შეიძლება გავლენა იქონიოს სადაზღვევო რისკის მზღვეველის მიერ შეფასებაზე. მზღვეველი, რისკის ხარისხის გაზრდის შესახებ შეტყობინების მიღების შემდგომ, უფლებამოსილია მოითხოვოს დაზღვევის ხელშეკრულების ცვლილება ან დამატებითი სადაზღვევო პრემიის გადახდა, რისკის ხარისხის ზრდის შესაბამისად.

7.1.8. მზღვეველს მიაწოდოს ზარალის დარეგულირებისათვის საჭირო შესაბამისი ინფორმაცია და დოკუმენტაცია ოფიციალური ან სახელმწიფო ორგანოებიდან, ასევე მზღვეველის მხრიდან ზარალზე პასუხისმგებელი მესამე მხარის მიმართ რეგრესული მოთხოვნის უფლების გამოყენებისათვის საჭირო ყოველგვარი დოკუმენტაცია. საკუთარი უფლებამოსილებისა და შესაძლებლობის ფარგლებში ხელი შეუწყოს მზღვეველს მის მიერ რეგრესის უფლების განხორციელებაში და მისცეს უფლება, მისი სახელით წარმართოს და გააკონტროლოს ზარალის დარეგულირების პროცესი;

7.1.9. ნებისმიერ დროს უზრუნველყოს მზღვეველის, მისი უფლებამოსილი წარმომადგენლის, მზღვეველის მიერ დანიშნული ნებისმიერი ექსპერტისა და შემფასებლის მიერ დაზღვეული ქონების დათვალიერება;

7.1.10. დაზღვევის ხელშეკრულების დასადებად და კონკრეტული დაზღვევის განსახორციელებლად წარმოდგენილ მონაცემებში ნებისმიერი არსებითი ცვლილების შემთხვევაში დაუყოვნებლივ შეატყობინოს ამის შესახებ მზღვეველს წერილობითი ფორმით, მაგრამ არაუგვიანეს ასეთი ცვლილების წარმოშობის შეტყობის მომენტიდან 3 (სამი) სამუშაო დღისა;

7.1.11. სადაზღვევო შემთხვევის დადგომისას წარუდგინოს მზღვეველს ქვემოთ ჩამოთვლილი დოკუმენტაცია:

- ა) წერილობითი განცხადება სადაზღვევო შემთხვევის შესახებ - პრეტენზია;
- ბ) სადაზღვევო პოლისის ასლი;
- გ) დაზიანებულ/განადგურებულ ქონებაზე საკუთრების უფლების ან სხვა ქონებრივი ინტერესის დამადასტურებელი დოკუმენტაცია;
- გ) კომპეტენტური სახელმწიფო ორგანოების ან კერძო უწყებების მიერ გაცემული დოკუმენტაცია, რომლითაც დასტურდება სადაზღვევო შემთხვევის ფაქტი და მიზეზები;
- დ) კონკრეტული შემთხვევიდან გამომდინარე, მზღვეველის მიერ გარემოებების დაზუსტებისათვის და ზარალის ოდენობის შეფასებისათვის აუცილებელი, მის მიერ მოთხოვნილი ყველა სხვა აუცილებელი საბუთი.

7.2 მზღვეველი ვალდებულია:

- 7.2.1 გააცნოს დამზღვევს სადაზღვევო ხელშეკრულების პირობები;
- 7.2.2. სადაზღვევო შემთხვევის დადგომის შემდეგ მოითხოვოს დამზღვევისაგან წინამდებარე პირობებით გათვალისწინებული ყველა იმ სახის ინფორმაცია და დოკუმენტაცია, რომლებსაც მზღვეველი მიიჩნევს საჭიროდ სადაზღვევო შემთხვევის ობიექტურად შეფასებისათვის;
- 7.2.3. სადაზღვევო შემთხვევის დადგომისას გასცეს სადაზღვევო ანაზღაურება დამზღვევის, ან მოსარგებლის მიმართ მხარეთა შორის ზარალის ოდენობაზე საბოლოო წერილობითი შეთანხმების - სადაზღვევო შემთხვევის დარეგულირების აქტზე - ხელმოწერიდან 30 (ოცდაათი) სამუშაო დღის განმავლობაში.
- 7.2.4. არ გაახმაუროს მონაცემები დამზღვევისა და მისი ქონებრივი მდგომარეობის შესახებ, თუ ეს არ ეწინააღმდეგება საქართველოს მოქმედ კანონმდებლობას.

7.3 მზღვეველი უფლებამოსილია:

- 7.3.1. დაათვალიეროს დაზღვევის განაცხადში მითითებული ობიექტი, გააცნოს მისი შენახვისა და ექსპლუატაციის პირობებს, შესაბამის დოკუმენტაციას, დამოუკიდებლად ან სპეციალური ორგანიზაციის მეშვეობით ჩაატაროს მისი ექსპერტიზა;
- 7.3.2. მოითხოვოს დამზღვევისგან და შესაბამისი კომპეტენტური ორგანოებისგან ინფორმაცია, რომელიც საჭიროა სადაზღვევო შემთხვევის ფაქტის ან სადაზღვევო ანაზღაურების ოდენობის დასადგენად, ასევე დამოუკიდებლად გამოიკვლიოს სადაზღვევო შემთხვევის დადგომის მიზეზები და გარემოებები, ან დანიშნოს ექსპერტიზა;
- 7.3.3. მისცეს დამზღვევს მითითებები სადაზღვევო შემთხვევასთან დაკავშირებით ჩასატარებელი ქმედებების შესახებ;

7.3.4. რისკის ხარისხის მნიშვნელოვანი ზრდის შემთხვევაში მოითხოვოს დაზღვევის ხელშეკრულების პირობების შეცვლა ან დამატებითი სადაზღვევო პრემიის გადახდა;

7.3.5. მოითხოვოს დამზღვევისაგან საკუთრების უფლების გადაცემა შეცვლილ/ჩანაცვლებულ ქონებაზე (ასეთის არსებობის შემთხვევაში), მაგრამ ქონების ქურდობის, ძარცვის ან ყაჩაღობის შემთხვევაში დაკარგული ქონების პოვნის შემთხვევაში - ნაპოვნ ქონებაზე

8. სადაზღვევო ანაზღაურება

8.1. სადაზღვევო შემთხვევის დადგომისას მზღვეველის მიერ ჯამურად გადასახდელი სადაზღვევო ანაზღაურება არ შეიძლება აღემატებოდეს პოლისში განსაზღვრულ ჯამურ სადაზღვევო თანხას/ პასუხისმგებლობის ლიმიტს (ყოველი კონკრეტული ქონებისათვის ანაზღაურება გაიცემა მისთვის პოლისით განსაზღვრულ სადაზღვევო თანხის ფარგლებში).

8.2 დაზღვეული ქონების სრული განადგურების შემთხვევაში, ქონების ღირებულება განისაზღვრება მისი რეალური ღირებულებიდან გამომდინარე სადაზღვევო შემთხვევის დადგომის მომენტისთვის შესაბამისი ფრანშიზის ოდენობის გამოკლებით.

8.3 ქონების სრული განადგურების შემთხვევაში მზღვეველი იტოვებს უფლებას მიიღოს გადაწყვეტილება ქონების ნარჩენი ღირებულების სადაზღვევო ანაზღაურებიდან გამოკლების თაობაზე, ასეთ შემთხვევაში დამზღვევეს არ ექნება ქონების გადარჩენილ ნაწილებზე უარის თქმის უფლება, ხოლო თუ მზღვეველი მიიღებს გადაწყვეტილებას გასცეს ანაზღაურება ქონების ნარჩენი ღირებულების გამოკლების გარეშე, დამზღვევეს წარმოექმნება ვალდებულება გადასცეს მას საკუთრების უფლება იმ ქონებაზე, რომელიც მიიჩნევა მთლიანად განადგურებულად;

8.4 ქონების ნაწილობრივი დაზიანების შემთხვევაში მისი ღირებულება განისაზღვრება უშუალოდ სადაზღვევო შემთხვევამდე არსებულ მდგომარეობამდე აღსადგენად საჭირო დანახარჯების მიხედვით;

8.5 წინამდებარე პირობების მიზნებისთვის დაზღვეული ქონება ჩაითვლება სრულად განადგურებულად, თუ ხარჯები მისი შეკეთებისა და აღდგენისათვის გადააჭარბებს მისი რეალური ღირებულების 70%-ს;

8.6. სადაზღვევო ანაზღაურება მოიცავს შემდეგ ხარჯებს:

8.6.1. ქონების აღსადგენად ან შესაკეთებლად საჭირო მასალებისა და სათადარიგო ნაწილების ხარჯებს;

8.6.2. სარემონტო სამუშაოების ჩატარების ღირებულებას (სახელფასო დანამატები ზეგანაკვეთური მუშაობისთვის, ღამის საათებში და ოფიციალურ დღესასწაულებზე

მუშაობისთვის ანაზღაურდება მხოლოდ იმ შემთხვევაში, თუ ამაზე მხარეები წინასწარ წერილობით შეთანხმდებიან).

8.6.4 მასალების რემონტის ადგილამდე ტრანსპორტირების ხარჯებს, ასევე სხვა ხარჯებს, რომლებიც აუცილებელია დაზღვეული ობიექტის აღსადგენად იმ მდომარეობამდე, რომელშიც იგი იმყოფებოდა უშუალოდ სადაზღვევო შემთხვევის დადგომამდე (ცვეთის გათვალისწინებით).

სადაზღვევო ანაზღაურებაში შემავალი აღდგენის ხარჯები გამოითვლება სადაზღვევო შემთხვევის თარიღისთვის მოქმედი საბაზრო ფასებიდან გამომდინარე.

8.7. ზარალის მოცულობის განსაზღვრისას მხედველობაში მიიღება მზღვეველის მიერ ჩატარებული ექსპერტიზის დასკვნა და ასევე კომპეტენტური სახელმწიფო ორგანოების მიერ გაცემული საბუთები;

8.8. მზღვეველი ანაზღაურებს წინასწარი შეკეთების ხარჯებს მხოლოდ იმ შემთხვევაში, თუ ეს შეკეთება საბოლოო შეკეთების ნაწილს შეადგენს და თუ ის არ ზრდის შეკეთების საერთო ხარჯებს.

8.9. დამზღვევის კუთვნილი სადაზღვევო ანაზღაურებიდან დაკავდება მის მიერ დაზღვევის ხელშეკრულების საფუძველზე გადასახდელი სადაზღვევო პრემიის გადაუხდელი ნაწილი.

8.10. თუ დამზღვევს, ან მოსარგებლეს აუნაზღაურდა ზარალი მესამე პირის მიერ, მზღვეველი გადაიხდის მხოლოდ სხვაობას დაზღვევის პირობებით ასანაზღაურებელ თანხასა და მესამე პირისგან მიღებულ თანხას შორის. დამზღვევი ვალდებულია დაუყოვნებლივ შეატყობინოს მზღვეველს ასეთი თანხების მიღების შესახებ.

8.11. მზღვეველის მიერ უარი სადაზღვევო ანაზღაურების გაცემაზე დამზღვევს წარედგინება წერილობითი ფორმით, უარის დასაბუთებული მიზეზის მითითებით.

8.12. დამზღვევისთვის ასანაზღაურებელი ზარალის შემცირების მიზნით გაღებული ხარჯი, თუ ასეთი ხარჯი აუცილებელი იყო ან მზღვეველის მითითებით იყო გაღებული, ექვემდებარება მზღვეველის მიერ ანაზღაურებას იმ შემთხვევაშიც, თუ მიღებული ზომები უშედეგო აღმოჩნდა.

8.13. სადაზღვევო ანაზღაურების გადახდა ყოველთვის ხორციელდება სადაზღვევო პოლისში მითითებული ფრანშიზის გათვალისწინებით.

8.14. მზღვეველი უფლებამოსილია განაცხადოს უარი სადაზღვევო ანაზღაურების გაცემაზე შემდეგ შემთხვევებში:

8.14.1. თუ დაზღვეული ქონების ცვლილებებისა და გაუმჯობესებისთვის გაწეულია დამატებითი ხარჯები;

8.14.2. თუ დამზღვევის ან მისი წარმომადგენლის მიერ ჩადენილია მართლსაწინააღმდეგო ქმედება, რომელიც კავშირშია სადაზღვევო შემთხვევის დადგომასთან;

8.14.3. თუ დამზღვევმა განზრახ აარიდა თავი ქონების გადასარჩენად აუცილებელი ზომების მიღებას.

8.14.4 თუ დამზღვევის მიერ დარღვეულია წინამდებარე პირობებით განსაზღვრული რომელიმე ვალდებულება.

9. მარაგების დაზღვევის განსაკუთრებული პირობა

წინამდებარე პირობებით დაზღვევას ექვემდებარება მხოლოდ ის მარაგები, რომლებიც განლაგებულია მიწის დონიდან არანაკლებ 15 სანტიმეტრის სიმაღლეზე მდებარე თაროებზე ან სტელაჟებზე.

10. სადაზღვევო პოლისის მოქმედების შეწყვეტა

10.1. სადაზღვევო პოლისის მოქმედება შესაძლოა შეწყდეს ამ მუხლით გათვალისწინებული წესით, დამზღვევის ან მზღვეველის ინიციატივით;

10.2. მზღვეველის მხრიდან გაფრთხილებისა და დამზღვევისათვის დამატებითი ვადის დაწესების გარეშე, დაზღვევის ვადაზე ადრე შეწყვეტა შესაძლებელია შემდეგ შემთხვევებში:

ა) თუ მზღვეველის მიერ შესაბამისი სადაზღვევო პოლისით ნაკისრი ვალდებულებები მთლიანად შესრულებულია;

ბ) თუ დაზღვეული ქონება აღარ არსებობს, გარდა სადაზღვევო რისკით გამოწვეული შედეგებისა (აღნიშნული ვრცელდება კონკრეტულ სადაზღვევო პოლისთან მიმართებით);

გ) თუ ამოიწურა სადაზღვევო თანხით განსაზღვრული სადაზღვევო ანაზღაურების ლიმიტი (აღნიშნული ვრცელდება კონკრეტულ სადაზღვევო პოლისთან მიმართებით);

დ) თუ სადაზღვევო რისკის ზრდა დამზღვევის, მისი წარმომადგენლის ან დამზღვევის სახელით მოქმედი ნებისმიერი პირის მიერ განზრახ ან უხეში გაუფრთხილებლობით არის გამოწვეული;

10.3. მზღვეველის მხრიდან დამზღვევისათვის 14 (თოთხმეტი) კალენდარული დღით ადრე შეტყობინების გაგზავნის გზით, დაზღვევის ვადაზე ადრე შეწყვეტა შესაძლებელია შემდეგ შემთხვევებში:

- ა) თუ დამზღვევმა არ შეასრულა წინამდებარე პირობებით ნაკისრი რომელიმე ვალდებულება;
- ბ) თუ დამზღვევმა რისკის ხარისხის ზრდის შემთხვევაში უარი თქვა მზღვეველის მიერ შეთავაზებულ ახალ პირობებზე;
- გ) მზღვეველის ინიციატივით, ნებისმიერ დროს.

10.4. დაზღვევა ასევე შეწყდება:

- ა) შესაბამისი პოლისით გათვალისწინებული ვადის გასვლით;
- ბ) თუ მზღვეველი კანონმდებლობით განსაზღვრული წესით წყვეტს საქმიანობას;
- გ) მხარეთა წინასწარი წერილობითი შეთანხმებით;
- დ) თუ დამზღვევის მიერ დაზღვეული ობიექტის გასხვისებისას, მზღვეველს არ სურს ობიექტის ახალ მესაკუთრესთან დაზღვევის ხელშეკრულების გაგრძელება და დამზღვევს ერთი თვით ადრე შეატყობინებს ამის შესახებ;
- ე) საქართველოს კანონმდებლობით გათვალისწინებული სხვა შემთხვევები.

10.5. თუ დამზღვევს სურს დაზღვევის მოქმედების შეწყვეტა, მან ამის თაობაზე მზღვეველს უნდა აცნობოს წერილობითი ფორმით, შეწყვეტამდე 14 (თოთხმეტი) კალენდარული დღით ადრე. ასეთ შემთხვევაში, უკან დასაბრუნებელი პრემია (ასეთის არსებობის შემთხვევაში) დაანგარიშდება ჯამური პრემიიდან გაუქმების თარიღისათვის გამოუმუშავებელი ნაწილის 10%-ის გამოკლებით. თუ ზარალი ანაზღაურდა გაუქმების მოთხოვნამდე, გაუქმებისას დამზღვევი ვალდებულია, პრემია სრულად გადაიხადოს, ხოლო გამოუმუშავებელი სადაზღვევო პრემია დაბრუნებას არ ექვემდებარება. სრული ზარალის შემთხვევაში კი, ასანაზღაურებელ თანხას გამოაკლდება დაზღვევის პერიოდის დასასრულამდე დარჩენილი გადასახდელი პრემიის ოდენობა.

11. რეგრესის წესი

11.1. სადაზღვევო ანაზღაურების გაცემის შემდეგ მზღვეველზე გადადის დამზღვევის ან მოსარგებლის მიერ ზიანზე პასუხისმგებელი მესამე პირისგან ზარალის ანაზღაურების მოთხოვნის უფლება, გაცემული სადაზღვევო 11.2. დამზღვევი და მოსარგებლე ვალდებული არიან გადასცენ მზღვეველს ყველა საბუთი, მტკიცებულება და ინფორმაცია, რომელიც აუცილებელია მზღვეველის მიერ მასზე გადასული მოთხოვნის უფლების განსახორციელებლად.

11.3. დამზღვევი და მოსარგებლე ვალდებულნი არიან საკუთარი უფლებამოსილებისა და შესაძლებლობის ფარგლებში ხელი შეუწყონ მზღვეველს მის მიერ რეგრესის

უფლების განხორციელებაში და მისცენ უფლება, მისი 11.4. იმ შემთხვევაში, თუ დამზღვევი ან მოსარგებლე უარს განაცხადებს მზღვეველისათვის ზიანზე პასუხისმგებელი მესამე პირის მიმართ რეგრესული მოთხოვნის უფლების გადაცემაზე ან ასეთი უფლების გამოყენება შეუძლებელი გახდება დამზღვევის ან მოსარგებლის ქმედებით, მზღვეველი გათავისუფლდება სადაზღვევო ანაზღაურების გადახდის ვალდებულებისაგან ხოლო იმ შემთხვევაში, თუ უკვე გადახდილი აქვს სადაზღვევო ანაზღაურება, წარმოეშება უფლება მოითხოვოს გადახდილი სადაზღვევო ანაზღაურების უკან დაბრუნება.

12. ორმაგი დაზღვევა

12.1 დამზღვევი/მოსარგებლე ვალდებულია წერილობით შეატყობინოს მზღვეველს დაზღვეულ ქონებასთან მიმართებაში სხვა სადაზღვევო კომპანიებთან გაფორმებული ყველა დაზღვევის ხელშეკრულების შესახებ.

12.2 სადაზღვევო ანაზღაურების გაცემის დროისთვის თუ აღმოჩნდება რომ დაზღვეული ქონება დაზღვეულია აგრეთვე სხვა სადაზღვევო პოლისით, მზღვეველი უფლებამოსილია წინამდებარე პირობებითა და შესაბამისი პოლისისათვის დამზღვევს/მოსარგებლეს აუნაზღაუროს ზარალი ჯამურ სადაზღვევო თანხაში თავისი წილის პროპორციულად.

12.3 ორმაგი დაზღვევის შემთხვევაში მზღვეველები დამდგარ ზარალში მონაწილეობას მიიღებენ, როგორც სოლიდარული მოვალეები, თავიანთი პასუხისმგებლობის მოცულობის პროპორციულად.

14. დავების გადაწყვეტის წესი

14.1 წინამდებარე პირობებთან და სადაზღვევო პოლისთან დაკავშირებული ნებისმიერი დავა გადაწყდება მხარეთა ურთიერთშეთანხმებით; შეუთანხმებლობის შემთხვევაში, მხარეები მიმართავენ საქართველოს საერთო სასამართლოს, რომელიც დავას განიხილავს საქართველოს მოქმედი კანონმდებლობის შესაბამისად.

სექცია II: საქმიანობის უწყვეტის შედეგად შემოსავალი დაკარგვა

1. დაზღვევის ობიექტი

მზღვეველი იღებს ვალდებულებას გასცეს სადაზღვევო ანაზღაურება დამზღვევზე, მის მიერ სადაზღვევო პრემიის გადახდის წინაპირობითა და პოლისში მითითებული ლიმიტის ფარგლებში, თუ სადაზღვევო პერიოდის განმავლობაში წინამდებარე პირობების სექცია I-ით გათვალისწინებული დაზღვეული რისკების ხდომილების შედეგად განადგურდა ან დაზიანდა პოლისის პირველ სექციაში მითითებული

დაზღვეული ქონება, რამაც თავისმხრივ გამოიწვია საქმიანობის შეჩერება ან შეწყვეტა.

2. ზოგადი დებულებები

2.1. მზღვეველი ანაზღაურებს საქმიანობის შეჩერების ან შეწყვეტის შედეგად მიყენებულ ზარალს იმ პერიოდის განმავლობაში, რომელიც საჭიროა დაზიანებული დაზღვეული ქონების აღსადგენად ან ჩასანაცვლებლად, მაგრამ არაუმეტეს პოლისში მითითებული მაქსიმალური ანაზღაურების პერიოდისა და სადაზღვევო თანხისა (ანაზღაურების ლიმიტი);

2.2. წინამდებარე დამატების მიხედვით დაფარვა მოქმედებს სადაზღვევო პერიოდის განმავლობაში დამზღვევის მიერ დაკავებულ ტერიტორიაზე, რომელიც მდებარეობს პოლისში მითითებულ მისამართზე, უძრავი ან/და მოძრავი ქონების ფიზიკური განადგურების, დაზიანების ან დანაკარგის გამო (რომელიც გამოწვეულია პირველი სექციით გათვალისწინებული დაფარული რისკებისგან გამოწვეული სადაზღვევო შემთხვევით) საქმიანობის იძულებითი შეწყვეტის ან შეჩერების შემთხვევაში;

2.3. სადაზღვევო ანაზღაურება მოიცავს თანხის იმ მოცულობას, რა ოდენობითაც შემცირდა დამზღვევის ბრუნვა საქმიანობის იძულებითი შეწყვეტის შედეგად. დამზღვევის დღიური ბრუნვის მოცულობა განისაზღვრება სადაზღვევო შემთხვევის დადგომამდე ბოლო 180 დღის საშუალო დღიური ბრუნვის ოდენობით.

2.4. ანაზღაურება მზღვეველის მიერ გაიცემა იმ პერიოდის განმავლობაში რომელიც საჭიროა ჯეროვანი და დროული მოქმედებებით დაზიანებული ან განადგურებული ქონების აღსადგენად ან შესაკეთებლად. აღნიშნული პერიოდი იწყება განადგურების, დაზიანების, ან დანაკარგის შემთხვევის შემდგომ პოლისში მითითებული მოცდის პერიოდის (ფრანშიზა) გასვლის დღიდან და შემოიფარგლება პოლისში მითითებული ანაზღაურების პერიოდით;

2.5. მზღვეველის მხრიდან არ მოხდება საქმიანობის შეჩერებით გამოწვეული ზიანის ანაზღაურების მოთხოვნის მიღება, მანამ სანამ არ იქნება საბოლოო გადაწყვეტილება მიღებული დაზღვეული ქონებისთვის მიყენებული ზიანის ანაზღაურების გაცემასთან დაკავშირებით; იმ შემთხვევაში თუ დამზღვევს უარი ეთქვა ქონებისთვის მიყენებული ზიანის ანაზღაურებაზე სადაზღვევო პირობების შესაბამისად, მზღვეველი არ განიხილავს საქმიანობის შეჩერებით გამოწვეული ზიანის ანაზღაურების საკითხს. წინამდებარე დებულება არ ვრცელდება შემთხვევაზე, როდესაც დამზღვევს არ აუნაზღაურდება ზარალი იმ მიზეზით რომ ზარალის მოცულობა არ აღემატება პოლისში დაფიქსირებულ ფრანშიზის ოდენობას;

2.6. დამზღვევი ვალდებულია გამოიყენოს მის ხელთ არსებული ყველა შესაძლებლობა, რათა: თავიდან აირიდოს ან შეამციროს სადაზღვევო შემთხვევის დადგომის ალბათობა; მაქსიმალურად მცირე ვადებში აღადგინოს საქმიანობა; უმოკლეს ვადებში აღადგინოს დაზიანებული/განადგურებული ქონება;

წინამდებარე პუნქტის მოთხოვნების დამზღვევის მხრიდან განზრახ შეუსრულებლობა, ან დროში გაჭიანურებული შესრულება შეიძლება გახდეს საფუძველი ანაზღაურების გაცემაზე მზღვეველის მხრიდან უარის თქმის ან ასანაზღაურებელი თანხის შემცირების.

3. გამონაკლისები

3.1. წინამდებარე დაზღვევა არ ფარავს ისეთ ზარალს, რომელიც პირდაპირ ან არაპირდაპირ გამოწვეულია

3.1.1. სახელმწიფო სტრუქტურების მიერ დაწესებული შეზღუდვით მშენებლობის, სარემონტო სამუშაოების წარმოებაზე ან საქმიანობის განხორციელებაზე;

3.1.2. ნებისმიერი ლიცენზიის, კონტრაქტის ან შეკვეთის შეჩერებით ან შეწყვეტით და ზარალს გამოწვეულს ქონების გადაკეთებით, თავიდან აშენებით ან მისი გადაადგილებით;

3.1.3. ზარალის აღმოსაფხვრელად ჩასატარებელი სამუშაოების განზრახ შეფერხებით;

3.1.4. დამზღვევის ფინანსების უკმარისობა განადგურებული, დაზიანებული ქონების დროულად აღსადგენად/ასაშენებლად;

3.1.5. იჯარის ხელშეკრულების ვადის გასვლით, შეჩერებით ან შეწყვეტით, რომელსაც ადგილი ექნება დაზიანებული/განადგურებული ობიექტების აღდგენის შემდეგ ისეთ დროს როდესაც შესაძლებელია ბიზნეს საქმიანობის განახლება ძალაში რომ დარჩენილიყო იჯარის ხელშეკრულება

3.2. სადაზღვევო პოლისში მითითებული ფრანშიზა მზღვეველის მიერ გამოიყენება თითოეული და ყოველი სადაზღვევო შემთხვევის დროს ანაზღაურების ოდენობის გამოთვლისას.

4. ტერმინთა განმარტებები

ანაზღაურების ლიმიტი - ანაზღაურების მაქსიმალური მოცულობა, პოლისში მითითებული ანაზღაურების პერიოდის განმავლობაში

მაქსიმალური ანაზღაურების პერიოდი - პოლისის მეორე სექციაში დაფიქსირებული პერიოდი რომლის განმავლობაშიც მზღვეველი ვალდებულია გასცეს სადაზღვევო ანაზღაურება დამზღვევზე წინამდებარე დანართის პირობების შესაბამისად სადაზღვევო თანხის (პასუხისმგებლობის ლიმიტი) ფარგლებში

ფრანშიზა - დროის ის მონაკვეთი რომელიც აითვლება ზარალის ხდომილების თარიღიდან და რომლის განმავლობაშიც არ მოხდება ზარალის ანაზღაურება მზღვეველის მხრიდან. ამ პერიოდის დროს დამდგარი ზარალი ანაზღაურებას არ ექვემდებარება